


綱鑑易知錄

宋

八十五之六

113
537
45



113
537
45

尺木堂綱鑑易知錄卷八五

大正十五年二月

周之炯靜專

綱目續編定本

山陰吳乘權楚材同輯

周之燦星若

南宋紀

寧宗皇帝

綱目辛酉嘉泰元年

金泰和元年

春二月臨安大火

四日乃滅焚燒

民居五萬二千餘家自渡江以來都城火災未有如是歲者

綱目秋七月何澹罷

時吳挺

見上卷七

子曦

希

為殿前副都指揮使自以世守

西蜀為國藩屏。丙而身留行都不得如志。乃以賄賂宰輔。規圖帥蜀。未及賂澹韓侂胄已許之。澹持不可。侂胄怒曰。始以君肯相就黜偽學。汲引至此。今顧立異邪。遂罷奉祠。綱以陳自強參知政事。張釜簽書樞密院事。綱以吳曦為興州都統制。目曦至興州。今陝中府因譖副都統制王大節罷之。由是兵權悉歸於曦。異志遂成矣。綱八月。張釜罷。綱以張巖參知政事。程松同知樞密院事。目皆附韓侂胄者。松諂侂胄尤甚。自知錢塘縣。見上卷六不二年為諫議大夫。滿歲未遷。

松壽

殊快快。乃市一妾獻之。名曰松壽。侂胄曰。奈何與大諫同名。答曰。欲使賤名常達鈞聽。四九卷二。三鈞軸耳。侂胄憐之。遂除同知樞密院事。綱乃蠻襲西遼滅之。西遼見七卷二目西遼王直魯古出獵。乃蠻王屈出律伏兵八千擒之。而據其位。尊直魯古為太上皇。直魯古尋死。遼祀始絕。

綱壬戌二年。金泰和二年春正月。以蘇師旦兼樞密都承旨。綱二月。弛偽學黨禁。復諸貶謫者官。目偽學之禍。雖本於韓侂胄。欲去異已以快所私。然實京鏜創謀。

弛偽學黨禁

綱鑑易知錄

卷八十五

宋寧宗

二

而何澹劉德秀胡紘成之。及鏗死，三人亦罷。侂胄厭前事之乖戾，欲稍更改，以消中外之議。會張孝伯謂侂胄曰：「不弛黨禁，恐後不免報復之禍。」藉籍田令陳景思侂胄之姻也，亦謂侂胄勿為已甚。侂胄然之。於是趙汝愚追復資政殿學士，黨人見在者，徐誼、劉光祖、陳傅良諸人咸先後復官自便。又削薦牘中不係偽學一節，俾勿復有言。時朱熹沒已踰年，周必大留正各已貶秩致仕，詔熹以待制致仕，必大復少傅。正復少保。綱秋八月，以袁說友同知樞密院事。冬十

一月，以陳自强知樞密院事。許及之參知政事。綱十二月，立貴妃楊氏為皇后。目時后為貴妃，與曹美人俱有寵。韓侂胄以后頗涉書史，知古今，性警敏，任權術，而曹美人柔順，勸帝立曹氏，帝不從。竟立后，由是后與侂胄有怨矣。綱加韓侂胄太師。是歲大蝗。綱癸亥三年。金泰和三年。春正月，謝深甫罷。張巖罷。帝視太學，以袁說友參知政事。傅伯壽簽書樞密院事。伯壽辭不拜。二月，以費士寅簽書樞密院事。綱夏五月，以陳自强為右丞相。目時侂胄專權，凡所欲

月課

聊以塞責

為宰執惕息不敢為異。自強至印空名敕劄授之。惟所欲為。宰執不預知也。言路扼塞。每月按舉小吏二人。謂之月課。又有泛論君德時事。皆取其陳熟緩慢。略無撻拂者言之。或問之。則愧謝曰。聊以塞責爾。加以苞苴。見二卷九盛行。自強尤貪鄙。四方致書餽。必題其緘。兼也。云某物若干。并獻。凡書題無并字。則不開。自強每稱侂胄為恩主。恩父。蘇師旦為叔。堂吏史達祖為兄。侂胄姦宄專政。自強表裏之功為多。綱以許及之。知樞密院事。綱秋七月。造戰艦。咸上聲。戰船。八月。增

韓侂胄定議伐金

置襄陽騎軍。綱九月。袁說友罷。冬。十月。以費士寅參知政事。張孝伯同知樞密院事。

綱甲子。四年。金泰和四年。春。正月。韓侂胄定議伐金。綱金

為北鄙阻鞮。等部所擾。無歲不興師討伐。兵連禍

結。士卒塗炭。府倉空匱。國勢日弱。有勸韓侂胄立蓋

世功名以自固者。侂胄然之。恢復之議遂起。聚財募

卒。出封樁庫。見二六四卷二二二黃金萬兩。以待賞功。命吳曦練

兵西蜀。既而安豐。見二二二卷二二二守臣厲仲方言。淮北流民

咸願歸附。而浙東治紹興府安撫使辛棄疾入見。言金國

必亂亡。願屬祝元老大臣備兵為倉猝應變之計。侂胄大喜。鄭挺鄧友龍等又附和其說。侂胄用師之意益銳矣。

史臣曰。恢復大義也。用兵大計也。必君臣合謀。而後動。將相調和。而後行。又必觀變。俟時。委任得宜。而後舉。猶慮無以濟事。況可為一己之私。而不顧國家之遠慮乎。侂胄擅朝。十有四年。窮姦極惡。海內切齒。知其無以自容。乃假恢復之謀。以為固籠善後之計。不知兵凶戰危。為國招難以陳。自強為謀。主蘇師。且為腹心。而用師之意益銳。故華岳諫起。釁則遠竄。丘宗論首禍。則不納。安用蠢類。沮塞人言。用程松而程松逃歸。用吳曦而吳曦降虜。其他如郭倪李爽皇甫斌之徒。又皆庸瑣之才。一旦委以分閫之柄。是以師眾敗潰。兩京兩河相望。淪沒虜騎。且渡淮窺

江表而行。在為之震恐。講和之使。復遣五事之要。益堅不可卻矣。然則侂胄恢復之謀。適為蹙國之策。未幾玉津之誅。且函首昇金矣。夫侂胄稔惡既深。而受禍益烈。孰謂天道遠乎哉。

綱三月。臨安大火。詔百官陳時政闕失。夏四月。許

及之罷。以張孝伯參知政事。錢象祖同知樞密院

事。綱五月。追封岳飛為鄂王。日先已賜諡武穆。至是

韓侂胄欲風厲諸將。乃追封飛。尋封劉光世為鄂

王。贈宇文虛中少保。綱秋八月。張孝伯罷。綱冬

十月。以張巖參知政事。十二月。詔宰相兼國用使。日

韓侂胄議恢復。陳自強請遵孝宗典故。劫國用司總

岳武穆追封鄂王

畿內外財賦。遂以自強。兼國用使。費士寅。張巖同知國用事。培克民財。州郡騷動。

太白書見

綱乙丑。開禧元年。金泰和五年春三月。費士寅罷。綱太白。

書見。見四五卷二綱夏四月。以錢象祖參知政事。劉德秀

簽書樞密院事。綱以皇甫斌知襄陽府。屬湖廣目尋以

斌為京西北路招撫副使。綱竄武學生華岳于建寧。

華岳諫啓邊費

目岳上書諫朝廷未宜用兵啓邊費。且乞斬韓侂胄。蘇師旦周筠以謝天下。侂胄大怒。下岳大理。編管建

寧。今福建建寧府綱五月。金以僕散揆為河南宣撫使。金主璟聞

朝廷將用兵。命平章僕散揆宜撫會兵於汴以備之。綱秋七月。詔韓侂胄平章

軍國事。綱以蘇師旦為安遠節度使。領閣門事。韓

胄。睚師旦為腹心。故有是除。綱八月。金罷河南宣撫司。僕散揆至

責敗盟。三省樞密院答言。邊臣生事。已行貶黜。所置

兵亦已抽去。揆信之。自於金主。遂命罷宣撫司。及新

置兵。綱以郭倪知揚州。今江蘇揚州府目尋兼山東京東招撫

使。綱九月。劉德秀罷。綱遣使如金。韓侂胄欲審敵虛

賀正。且金主諭以和好歲久。綱以丘密崇為江淮宣

撫使。密辭不拜。目初韓侂胄以北伐之議示密。密曰。中原淪陷且百年。在我固不可一日而忘。然兵凶戰

丘密謀北伐

丘密手書
切諫

危若首倡非常之舉。兵交勝負未可知。則首事之禍。其誰任之。侂胄不納。至是命密宣撫江淮。密手書切諫曰。金人未必有意敗盟。中國當示大體。宜申警軍實。使吾常有勝勢。若釁自彼作。我有詞矣。因力辭不拜。侂胄不悅。

綱丙寅二年。金泰和六年。春二月。壽慈宮火。太皇太后移居大內。綱

以程松為四川宣撫使。吳曦副之。綱松移司興元。今陝西漢中府。

屬焉。仍聽節制財賦。按劾計司。曦由是益得自專。松

西漢中府。東軍三萬屬焉。曦進屯河池。今漢中府鳳縣。西軍六萬

無所關與。松始至。欲以執政禮見曦。責庭參。曦聞之。

及境而還。松用東西軍一千八百自衛。曦抽摘。楊也。

以去。松亦不悟。尋詔曦兼陝西河東招撫使。綱錢象

祖罷。夏四月。以薛叔似為京湖宣撫使。鄧友龍為

兩淮宣撫使。綱追奪秦檜王爵。改謚穆醜。論檜主

之罪。綱金復命僕散揆會兵河南。綱吳曦反。獻階成

和鳳四州于金。以求封。目曦既得志。與其從弟覲。賢

及徐景望趙富米脩之董鎮共為反謀。陰遣其客

姚淮源獻階成。見七九卷五。和鳳。即鳳縣。四州於金。求

李壁伐金
詔略

封蜀王。綱郭倪遣兵復泗州。五月。下詔伐金。綱韓侂

胄聞。得泗州。屬江南乃議降詔略曰。天道好還。見

三卷。中國有必伸之理。人心效順。匹夫無不報之仇。

蠱。茲醜虜。猶託要盟。朕宣生靈之資。朕刻也。前漢董仲舒傳。民

日削奉溪壑之欲。國語。叔魚生其母曰。虎目豕喙。此

非出於得已。彼乃謂之當然。軍入塞而公肆創傷也。

殘使來庭而敢為桀鰲。泊及也行李見六十九卷之繼遣

復媢詞之見加。含垢納污。在人情而已。極聲罪致討。

屬祝胡運之將傾。兵出有名。師直為壯。見八十九卷言乎

遠言乎。近孰無忠義之心。為人子為人臣。當念祖宗

之憤。直學士院李壁之詞也。綱郭倪遣兵攻宿州。屬

府大敗。綱時建康今江南都統李爽攻壽州。屬鳳亦

敗。綱皇甫斌敗績于唐州。今河南南綱時江州今江

江都統王大節攻蔡州。今河南亦不克而潰。會綱詔

以宗室均為沂王柄嗣。賜名貴和。柄。孝宗孫。魏惠獻

日希瞿太祖。綱六月。鄧友龍免。以丘富為兩淮宣撫

使。韓侂胄以師出無功。免友龍。而以富代之。駐綱秋

七月。蘇師旦有罪。安置韶州。韓侂胄既喪師。始覺為

安綱以張巖知樞密院事李壁參知政事綱夏李安

全廢其主純佑而自立安全崇宗孫越王仁友子也廢純佑自立改元應天未幾

純佑死安全綱冬十月金僕散揆分兵入寇揆分兵

號之日桓宗綱金人胡沙圍楚州今江南十一月以丘富簽

下綱金人淮安府綱十一月以丘富簽

書樞密院事督視江淮軍馬綱金人陷京西州軍招

撫使趙淳焚樊城在湖廣襄陽府城北漢江上而遁綱金僕散揆

陷安豐軍遂圍和州綱揆引兵至淮遣人密測淮水

惟八疊灘可涉即遣奧部屯驤揚兵下蔡漢縣故城在鳳陽府

潛渡八疊

花靨葉以備之揆乃遣賽不等潛師渡八疊駐於南

岸官軍不虞其至遂皆潰走揆遂下安豐軍治鳳陽府壽州

進圍和州屬江南屯於瓦梁河以控真今江南揚州府儀真縣揚

州即揚州府諸州之衝乃整軍列騎張旗幟於沿江上下於

是江南大震綱金人入西和州今陝西鞏昌府西和縣十二月

入成州見上吳曦焚河池見上退壁青野原綱金人陷

真州寇六合見四一郭倪遣兵救之敗績倪棄揚州

見上走綱金人入大散關在陝西鳳翔府寶雞縣吳曦還興州

目時興州見上都統制毋思以重兵守關金人遶出

天赤如血

關後思孤軍不能支遂陷曦退屯置嗟口金完顏綱以金主命立曦為蜀王曦密受之遂還興州是夜天赤如血光燭地如晝翌日曦召幕莫屬幕府僚屬諭意謂東南失守車駕幸四明見七七卷二七今宜從權濟事王翼楊駿之抗言曰如此則相公忠孝謂吳玠八十年門戶一朝掃地矣曦曰吾意已決即遣任辛奉表獻蜀地圖及吳氏譜牒於金綱丘密遣使如金軍議和金僕散揆還軍下蔡韓侂胄以師出屢敗悔其前謀諭密募人持書幣赴敵營議和密乃遣劉祐持書於

藥人破水櫃

香豆敗敵馬

揆願講好去聲息兵揆不從密復遣使相繼以往因許還其淮北流移人及今年歲幣揆始許之自和州退屯下蔡見綱薛叔似免以吳獵為京湖宣撫使綱以畢再遇權山東京東招撫司目時諸將用兵皆敗惟再遇數朔有功金人常以水櫃取勝再遇夜縛藁人數千衣以甲胃持旗幟戈矛嚴立成行昧爽旦微鳴鼓金人驚視亟放水櫃後知其非兵也甚沮乃出兵攻之金人大敗又嘗引金人與戰且前且却至於數四視日已晚乃以香料煮豆布地上復前搏戰佯為敗走金人

羊鼓緩追

元太祖鐵木真稱帝

乘勝追逐馬飢聞豆香皆就食鞭之不前反攻之金人馬死者不可勝升計又嘗與金人對壘度鐸金兵至者日衆難與爭鋒一夕拔營去畱旗幟於營并縛生羊置其前二足於鼓上擊鼓有聲金人不覺為空營復相持數日及覺欲追之則已遠矣綱程松自與元見上逃歸綱蒙古奇渥温姓鐵木真名稱帝于幹難河鐵木真之先有曰孛端叉兒母阿蘭果火生二子而寡居夜寢屢有光明照其腹又生三子字端义兒其季也其後子孫蕃衍各自為部居於烏桓之北與畏羅乃蠻九姓回鶻故城和林接壤世奉貢於遼金而總隸於鞬韞至也速該并吞諸部勢愈盛大攻塔塔兒部獲其部長鐵木真還次於跌里温盤

陀山而生子因以鐵木真名之也速該死鐵木真年幼其部衆多歸於族人泰赤烏部泰赤烏合七部人凡三萬攻之鐵木真與其母月倫率部人為十三翼大戰泰赤烏等敗因得少安時泰赤烏部地廣民衆而無紀律其下謀曰鐵木真衣入以已衣乘人以已馬真吾主也因悉歸之泰赤烏部遂微未幾塔塔兒部叛金鐵木真自幹難河帥衆會金師同滅之以功授鐵木真為察兀秃魯猶中國之招討使也鐵木真以乃蠻部強盛事之甚謹乃蠻反侵掠之鐵木真乃大會屬部於帖麥垓川議伐乃蠻乃蠻太陽罕營於沆海山與蔑里乞諸部合兵勢頗盛鐵木真與之大戰擒殺太陽罕諸部悉潰鐵木真益以盛強明年遂攻西夏破力吉里寨經落思城大掠而還至是大會諸部長於幹難河之源建九斿白旗自號為成吉思汗可汗可汗音楷寒猶漢言天子

目先是金主遣衛王允濟往靖州受鐵木真之貢允濟奇其狀貌歸言於金主請以事

除之。金主不許。鐵木真聞而憾之。綱蒙古滅乃蠻。

綱丁卯三年。金泰和七年春正月。罷丘密以張巖督視江

淮軍馬。目時金已有和意。密上疏乞移書金帥以成

前議。且言金人指韓侂胄為元謀。若移書宜暫免繫

銜。侂胄大怒。罷密。綱以陳自强兼樞密使。綱吳曦自

稱蜀王。權大安軍楊震仲死之。目曦召隨軍轉運使

安丙為丞相長史。權行都省事。丙度鐸不能脫。徒死。

無益。乃陽與而陰圖之。曦又名權。大安軍楊震仲。震

仲不屈。飲藥而死。其他如陳咸自髡其髮。史次秦自

揚震仲死節

瞽其目。李道傳鄧性甫等悉棄官去。綱二月。以知建

康府葉適兼江淮制置使。平時羽檄旁午而適治事如

不擾其防守綱金平章政事僕散揆卒于下蔡。目揆

有疾。金主命左丞相完顏宗浩行省事於汴。至是揆

卒。揆為政多惠。人樂為去用。綱四川轉運使安丙誅

吳曦。傳轉去聲首臨安。目監興州。見上合江倉楊巨

源謀討曦。乃陰與曦將張林朱邦寧及忠義士朱福

等深相結。眉州屬四人程夢錫知之。以告轉運使安

丙。丙時稱疾不視事。乃屬祝夢錫以書致巨源。延之

安丙誅吳曦

臥所。巨源曰：非先生不足以主此事，非巨源不足以了此事。會興州中軍正將李好義亦結軍士李貴進士楊君玉、李坤辰、李彪等數十人謀誅曦，好義欲奉安丙主事，使坤辰來邀巨源與會。巨源往與約，還報丙，丙大喜，始出視事。君玉與白子申共草密詔。二月丁亥未明，好義帥其徒七十四人入偽宮，巨源持詔乘馬自稱奉使入內戶，曦啓戶欲逸，李貴即前斫也。其首馳告丙，宣詔軍民拜舞，聲動天地，持曦首撫定城中，市不易肆，盡收曦黨殺之。先是韓侂胄聞曦

反犬懼名知鎮江府

屬江

宇文紹節問計紹節云安

丙非附逆者必能討賊侂胄乃密以書諭丙云若能

圖曦報國即當不次推賞書未達而誅曦露布

見三五卷

三已聞朝廷大喜傳曦首至臨安詔誅曦妻子奪曦

父挺官爵遷曦祖璘子孫出蜀存璘廟祀

雲開張氏曰抑觀曦之伯父玠以豪俠立功於高宗時雖張韓劉岳不足多讓至其子孫不肖反蒙首惡之誅可哀也已若夫安丙者不顧矯制之嫌以成平賊之績可謂識時達權者歟

綱以方信孺為國信所參議官如金軍韓侂胄募

可以報使金帥府者近臣薦信孺可使自蕭山

今浙江

安丙識時達權方信孺使金軍

興府蕭山縣 丞召赴都命以使事信孺曰開釁自我金人

若問首謀當以何詞答之侂冑矍然驚顧遂以信

孺為奉使金國通謝國信所參議官持張巖書以行

綱三月安丙使興州上將李好義等復西和階成鳳

州俱見上及大散關見上綱夏四月程松以罪竄澧里

州屬湖廣綱以錢象祖參知政事金人復陷大散

關綱五月太皇太后謝氏崩諡成綱李好義襲秦州

屬陝西鞏昌府與金將朮虎高琪戰敗績目好義還為吳曦

將王喜所毒而卒朝廷慮喜為變授節度使移荆湖

廣荆鄂鄂州今湖都統制

史臣曰曦之誅實楊巨源李好義之謀好義失於周防竟為王喜所圖宋知喜為曦黨既不能罪又以節鎮賞之幾何不為唐末之姑息以成藩鎮之禍乎

綱六月安丙殺宣撫司參議官楊巨源目初吳曦誅

獎諭詔至興州巨源謂人曰詔命一字不及巨源疑

有以蔽其功者俄報王喜授節度使而巨源授通判

心益不平乃愬功於朝或謂安丙曰巨源謀亂丙令

喜鞠窮罪也推其黨皆抵罪時巨源方與金人戰於鳳

州上見之長橋而敗丙密使興元都統制彭輅收巨源

安丙殺楊巨源

械送閩州

見八十八卷七

獄至大安龍尾灘丙使將較樊世

顯殺之忠義之士聞者莫不扼腕流涕

廣安丙平賊之功互源

之力也合以重報而進階奈何惟與通判而已宜其

心之不平也又况信讒而使叛臣之黨誣其罪而殺

義哉何綱秋七月大旱蝗目蝗飛蔽天食浙西州府

豆粟皆盡詔郡邑賑恤之綱九月貶方信孺官遣右

司郎中王栴南如金軍目信孺至濠州今江南鳳陽府紇石

烈子仁下之於獄露刃環守之絕其薪水要邀以五

事信孺曰反俘歸幣可也縛送首謀自古無之稱藩

割地則非臣子所敢言子仁怒曰若不望生還邪信

孺曰吾將命出國門時已置生死度外矣子仁遣至

汴汴州今河南開封府金都也見完顏宗浩宗浩堅持五說信孺

辨對不少屈宗浩不能詰乞授以報書曰和與戰俟

再至決之信孺還朝廷以林拱辰為通謝使與信孺

持國書誓草及許通謝百萬緡貫也錢信孺至汴宗

浩怒信孺不曲折建白遽以誓書來有誅戮禁錮之

語信孺不為去聲動宗浩遣信孺還復書於張巖曰若

斬元謀姦臣函首以獻及添歲幣五萬兩匹犒師銀

一千萬兩方可議和好信孺還致其書韓侂胄問之

方信孺以口舌折強敵

史彌遠誅韓侂胄

信孺言敵所欲者五事。一割兩淮。二增歲幣。三索歸正人。四犒軍銀。五不敢言。侂胄固問之。信孺徐曰。欲得太師頭耳。侂胄大怒。奪信孺三官。臨江軍居住。信孺三使金師。以口舌折強敵。敵人計屈情見。雖未即和。然已有成說。及貶。欲再遣使。顧在廷無可者。近臣以王柟薦。乃命假右司郎中持書北行。柟見八卷二七之孫也。綱冬十一月。禮部侍郎史彌遠誅韓侂胄于玉津園。詔暴僕侂胄罪惡于中外。目自兵興以來。公私之力大屈。而侂胄意猶未已。侂胄怒金人欲罪首謀和議遂輟復銳意

用中外憂懼。禮部侍郎兼資善堂翊善史彌遠入對。因力陳危迫之勢。請誅侂胄以安邦。皇后楊氏素怨侂胄。見上因使皇子榮王曦具疏言侂胄再啓兵端。將不利於社稷。帝不答。后從旁力贊之。帝猶未許。后請命其兄楊次山擇羣臣可任者與共圖之。帝始允。可次山遂語彌遠。彌遠得密旨。先白錢象祖。象祖許之。象祖以告李壁。彌遠自懷中出御批。罷韓侂胄平章軍國事。陳自强阿附充位。罷右丞相。日下出國門。仍命主管殿前司公事夏震以兵三百防護。象祖欲

奏審。壁謂事留恐泄。乃已。翌日。侂胄入朝。至太廟前。震呵止之。從者皆散。震以兵擁侂胄至玉津園。見上卷九側。殛殺之。彌遠象祖以誅侂胄。聞遂下詔。暴侂胄罪惡於中外。論功進彌遠為禮部尚書。加震福州觀察使。侂胄專政十四年。宰執侍從臺諫藩閫。皆其門廡之人。天子孤立於上。威行宮省。權震宇內。及籍其家。多乘輿服御之飾。其僭紊極矣。綱治韓侂胄黨竄陳自強于永州。今湖廣永州府斬蘇師旦。流郭倪等于嶺南。治東廣州府貶李壁等官。綱以衛涇簽書樞密院事。綱立榮

林大中遠識

函首昇金

王曦為皇太子。更名情。傳○尋綱十二月。罷山東京東西路招撫司。綱以錢象祖為右丞相兼樞密使。衛涇雷孝友參知政事。史彌遠同知樞密院事。林大中簽書院事。目初韓侂胄欲內納交於大中。大中不許。而上章極論其姦。因辭官屏丙居。時事不挂於口。侂胄當國。或勸其通書以免禍。大中曰。福不可求而得。禍可懼而免邪。不聽。凡十二年而復起。綱戊辰。嘉定元年。金泰和八年春。正月。以史彌遠知樞密院事。綱王柝還自汴。三月。以韓侂胄蘇師旦首昇。祕

綱鑑易知錄 卷八十五 宋寧宗 十八
金日柎至汴。金主遣柎持書求函韓侂胄首以贖淮南。柎還言於朝。詔百官議。吏部尚書樓鑰曰：和議重事待此而決。姦宄已斃之首。又何足惜。遂命臨安府斲棺取首。梟之兩淮。仍諭諸路以函首。界金之事。遂以侂胄及師旦之首付王柎送金師。以易淮陝侵地。廣二姦死首固不足惜與綱復秦檜爵諡。畏金綱臨安大火。綱夏六月。金人來歸大散關及濠州。日王柎以韓侂胄蘇師旦首至金。金主璟遂命完顏匡等罷兵。更元帥府為樞密院。遣使來歸大散關。見上及濠

丘密忠義天性

州。見上綱衛涇罷。林大中卒。綱秋七月。召丘密同知樞密院事。未至卒。日密儀狀魁傑。機神英悟。嘗慷慨曰：生無以報國。死願為猛將以滅敵。其忠義蓋天性也。綱八月。以婁機同知樞密院事。樓鑰簽書院事。廣機鑰並用可謂得人。文義無美辭而美自見矣。日鑰持論堅正。忤韓侂胄意。奉祠累年。機初為太常少卿。侂胄開邊機曰：恢復之名非不美。今人才難得。財力未裕。萬一兵連禍結。奈何。鄧友龍曰：不逐此人。則異議無所回。遂斥外。及入樞府。時干戈甫定。信使往來。機裨悲助也贊之功為

多。尤惜名器。見四卷十九。守法度。進退人物。直言可否。不市私恩。不避怨。**綱**金遣使來和議成。**綱**冬十月。以錢象祖史彌遠為左右丞相。雷孝友知樞密院事。樓鑰同知院事。婁機參知政事。**綱**金主璟卒。衛王永濟立。**目**永濟。世宗第七子也。金主無子。疏忌宗室。以求濟柔弱。鮮智能。故愛之。欲傳位焉。金主殂。元妃李氏黃門李新喜。平章政事完顏匡等。定策奉永濟即位。**綱**贈趙汝愚太師。沂國公。諡忠定。後追封福王。**綱**錢象祖罷。**綱**己巳二年。金主永濟大安元年。春正月。以樓鑰參知政事。章

蒙古侵金

良能同知樞密院事。宇文紹節簽書院事。**綱**夏五月。起復右丞相史彌遠。彌遠以母憂歸。治喪。太子請賜第。行在令就第。持服。以便咨訪。**綱**蒙古入靈州。故城在陝西寧夏衛城南。夏主安全降。夏自是益衰。**綱**冬十二月。畏吾兒國降于蒙古。**目**畏吾兒。唐之高昌。見四四卷十一也。**綱**庚午三年。金大安二年。冬十二月。婁機罷。**目**機立朝能正言。好稱獎人才。不遺寸長。訪問賢能。疏列姓名。及其可用之實。以備采取。至是以老罷。**綱**蒙古侵金。蠻夷相攻。不書。此何以書。著蒙古之漸強。明女真之漸弱也。**目**金主永濟嗣位。有

詔至蒙古。傳言當拜受。蒙古主真鐵木問金使曰。新君為誰。使曰。衛王也。蒙古主遽南面唾曰。我謂中原皇帝。是天上人做。此等庸懦。亦為之邪。何以拜為。即乘馬北去。金使還言。求濟怒。欲俟蒙古入貢。就害之。蒙古主知之。遂與金絕。益嚴兵為備。數朔侵掠金西北之境。其勢漸盛。金人皇皇。遂禁百姓傳說邊事。

綱辛未四年。金大安三年春三月。臨安大火。**綱**夏四月。金

使人求和于蒙古。蒙古不許。**綱**秋八月。夏主安全卒。

族子遵項旭立。遵項改元光定。號安全。日襄宗。**綱**蒙古攻金西京。今山

西大同府。留守紇石烈胡沙虎棄城遁。金西北諸州皆降。

蒙古。**綱**閏九月。金兵禦蒙古。敗績于會河。蒙古遂入

居庸關。在直隸順天府城北。大掠而去。

綱壬申五年。金崇寧元年秋七月。雷雨。太廟屋壞。**目**權直

學士院真德秀上疏曰。臣博觀經籍史傳所志。自非

甚無道之世。未聞震霆之驚及於宗廟者。夫震霆者。

上天至怒之威。宗廟者。國家至嚴之地。以至怒之威。

而加諸至嚴之地。其為可畏也明矣。古先哲王遇非

常之變異。則必應之以非常之德政。未嘗僅舉故事

真德秀災變疏

而已。今日避殿損膳之外，咸無聞焉。或者固已妄議，陛下務為應天之文，而不究其實矣。臣願陛下內揆之一身，外察諸庶政，勉進君德，毋以參宦養安逸為心。博通下情，深求致異名和之本。庶幾善祥日應，咎徵日消矣。

綱癸酉六年。

金至寧元年九月以後宣宗珣真祐元年

春正月，宇文紹節

卒。三月，樓鑰罷綱。故遼人耶律留哥取金遼東州

郡自立為遼王。

發書故遼人予義也。遼為金滅不共戴天，苟能倡義復君之地者，亦綱

目之所**綱**夏四月，以章良能參知政事。**綱**五月，金主

朮濟復以紇石烈胡沙虎為右副元帥。秋八月，胡沙虎弒朮濟而立昇王珣。荀自為太師尚書令都元帥。封澤王。**綱**冬十月，蒙古大敗金將朮虎高琪於懷來。進圍燕。高琪還，殺胡沙虎。金主以高琪為左副元帥。**綱**甲戌七年。金真祐二年春正月，章良能卒。三月，金以其故主朮濟之女歸蒙古。夏四月，及蒙古平。**綱**五月，金主珣徙都汴。秋七月，蒙古復圍燕。金主以國蹙兵弱，財用匱乏，不能守中都。即燕京今直隸順天府乃遷都於汴。見上蒙古主聞之，怒曰：「既和而遷，是有疑心而不」

真德秀請
絕金歲幣
疏

釋憾特以解和為款也。我之計耳。復圖南侵。遣兵圍燕京。綱罷金歲幣。目時金人屢遣使來督歲幣。起居舍人真德秀上疏請絕之。其略曰。女真金本號以韃韃韃韃韃韃。古別號。蒙。侵陵徙巢於汴。此吾國之至憂也。蓋韃韃之圖滅女真。猶獵師之志在得鹿。鹿之所走。獵必從之。既能越三關之阻。以攻燕。豈不能絕直渡日絕黃河一帶之水。以趨汴。使韃韃遂能如劉聰見卷四石勒見卷二之據有中原。則疆場相望。便為鄰國。固非我之利也。或如耶律德光見卷十七之不能即安中土。則奸

雄必將投隙而取之。尤非我之福也。今當乘虜之將亡。亟圖自立之策。不可幸虜之未亡。姑為自安之計也。夫用忠賢脩政事。屈羣策收眾心者。自立之本。訓兵戎擇將帥繕城池飭戍恕守者。自立之具。以忍恥和戎為福。以息兵忘戰為常。積安邊之金繒情也飾行人之玉帛。女真尚存。則用之女真。強敵更生。則施之強敵。此苟安之計也。陛下以自立為規模。則國勢日張。人心日奮。雖強敵驟興。不能為我患。以苟安為志嚮。則國勢日削。人心日偷。雖弱虜僅存。不能無外

○憂○蓋○安○危○存○亡○皆○所○自○取○若○夫○當○事○變○方○興○之○日○而○示○人○以○可○侮○之○形○是○堂○上○召○兵○戶○內○延○敵○也○微○臣○區○區○竊○所○深○慮○反○覆○數○千○言○帝○納○之○遂○罷○金○國○歲○幣○**綱**以○鄭○昭○先○簽○書○樞○密○院○事○

綱乙亥八年

金貞祐三年

春二月雷孝友罷

綱三月金主

遣兵救燕與蒙古兵遇於霸州

屬直隸順天府

大潰夏五月

中都雷守右丞相完顏承暉自殺蒙古遂入燕**綱**秋

七月以鄭昭先參知政事曾從龍簽書樞密院事**綱**

冬十一月以真德秀為江東轉運副使**目**德秀朝辭

真德秀奏五事

○奏○五○事○一○曰○宗○社○之○恥○不○可○忘○言○國○家○之○於○金○虜○蓋○萬○世○必○報○之○讎○高○宗○孝○宗○值○其○方○強○不○得○已○以○太○王○自○處○而○以○句○踐○望○後○人○今○天○亡○此○胡○近○在○朝○夕○誠○能○以○待○敵○之○禮○而○遇○天○下○之○豪○傑○以○遺去聲虜之費而厲天下之甲兵人心奮張士氣自倍何憚於此虜而猶事之哉且重於絕虜者畏名怨而啓釁也然能不名怨於亡虜而不能不啓釁於新敵權其利害孰重孰輕臣願陛下勉句踐之良圖懲謝元之失策則王業興隆可冀矣二曰比鄰之道不可輕言蒙古及山東

之盜苟得志而鄰於吾莫大之憂也。願朝廷毋輕二賊日夜講其攻守之策。以逆杜窺竅之心。三曰幸安之謀不可恃。言今之議者大抵以金虜之存亡為我欣戚。聞危蹙之報則冀其非實。得安靜之耗則幸其必然。是猶以朽壤為垣而望其能障盜賊也。願陛下勵自強之志。恢立武之經。毋以虜存為喜。虜亡為畏。則大勢舉矣。四曰導諛之言不可聽。言今邊事方殷。正君臣戒懼之日。而薦同搢紳大夫。工為諛說。或以五福足恃為言。夫乾象告愆。邇日尤甚。其可恃讖緯不

公論國之元氣

經之說而忽昭昭之儆戒乎。惟陛下鑒天人之相因。察諛佞之有害。益脩其本。以格天休。宗社之慶也。五曰至公之論不可忽。言公論國之元氣也。元氣痞隔。不可以為人。公論湮鬱。不可以為國。深惟今日實公論屈伸之機。朝廷之上。若以言者為愛君。為報國。無猜忌之意。而有聽用之誠。則公論自此愈伸。若以言者為沮事。為徼名。無聽用之誠。而有猜忌之意。則公論自此復屈。夫公論伸屈。乃治亂存亡之所由分。故臣於篇終。反復極言。惟陛下亮臣愚忠也。

東西兩川
地大震

綱

丙子九年金貞祐四年春二月東西兩川東川今四川潼川州西川今四川

成都府地大震今四川馬湖今四川馬湖府夷界山崩八十里江

水不通綱夏四月遼王留哥降蒙古蒙古以爲元帥令居廣寧府

綱丁丑十年金興定元年春二月金尚書省請罷府州學

金主不許
罷學生廩

生廩給金主不許綱尚書省以軍儲不繼請罷州府

學生廩給金主曰自古文武並用向在中都見上設

學養士猶未嘗廢況今日乎其令仍舊給之綱夏四

月金人分道入寇詔京湖江淮四川制置使趙方李

玨覺董居誼飭兵禦之綱五月趙方遣統制扈戶再

興鈴相轄孟宗政等救棗陽今湖廣襄陽府棗陽縣金人敗走

綱太白經天見四二卷十五綱秋七月李全率衆來歸全金

北海農家子能運鐵鎗人號李鐵鎗嘉定七年冬全與仲兄福聚衆數千鈔掠山東詔李玨等

節制京東忠義軍綱八月金以河南爲中京綱冬十

二月李全及其兄福襲金青今山東青州府莒今青州府州取

之。

綱戊寅十一年金興定二年春正月以李全爲京東路總

管綱夏五月金中都經略副使賈瑀與殺苗道潤道

潤將張柔討之至紫荆關遇蒙古與戰被執遂降蒙

張柔降蒙
古

綱

卷八十五

宋寧宗

二五

古道潤素與瑀有隙。一日從數騎出瑀伏甲射殺之。張柔檄吸召道潤部曲告以復讎之意。衆皆羅拜。推柔爲長。柔方會兵趨中山。今直隸真定府定州而蒙古兵出自紫荆關。柔遇之。遂戰於狼牙嶺。柔馬跌爲蒙古兵士所執。至軍前見主帥明安。柔立而不跪。左右強之。柔叱曰。彼帥我亦帥也。大丈夫死即死。終不偷生爲他人屈。明安壯而釋之。其潰卒稍稍來集。明安恐柔爲變質。至其二親於燕京。柔歎曰。吾受國厚恩。不意猖獗至此。顧忠孝不兩立。姑爲二親屈。遂降蒙。

金烏古論
德升等死
節

古以柔爲河北治直隸大名府都元帥。義柔之所處即徐庶陵遠矣。厥後終臣於蒙古而反爲鄉音。徐庶見二六道以滅金則其害於義也可勝言哉。註卷十三。王陵見九。綱秋。八月。蒙古木華黎攻取金河東諸州郡。金元帥烏古論德升等死之。目木華黎圍太原。今山西太原府河東環之數匝。金元帥烏古論德升力拒之。城破。德升至府署。謂其姑及妻曰。吾守此數年。不幸力窮。乃自縊。意而死。行省參政李革守平陽。今山西平陽府兵少援絕。城陷。或謂革宜上馬突圍出。革歎曰。吾不能保此。何面目見天子。汝輩可去矣。遂自殺。節度使完顏訛

出虎守汾州。今山西汾州府。元帥右監軍納合蒲刺都守潞

州。今山西潞安府。城破。皆力戰而死。**綱**冬十二月。金主珣遣

使來求和不納。遂使其太子守緒會兵入寇。

綱已卯十二年。金興定三年。春正月。金人復寇西和成鳳

州。見上。入黃牛堡。吳政拒戰死之。**綱**金人復大舉圍

棗陽。趙方使知隨州。屬湖廣德安府。許國等率師攻唐鄧。以

救之。**目**完顏訛可圍棗陽。見上。方計其空巢穴而來。若

擣其虛。見五卷十七。則棗陽之圍自解。乃命國及扈再興

引兵三萬餘。分二道出攻唐鄧二州。見八十一卷十七。又命其

吳政死節

子范監軍。葵為後殿。**綱**以曾從龍同知樞密院事。任

希夷簽書院事。**目**希夷嘗從朱熹學。篤信力行。為禮

部尚書。以朱熹張栻呂祖謙皆已賜諡。而周惇頤程

顥程頤張載四人。為百代絕學之倡。尚未贈諡。乃上

言乞定議賜諡。朝廷從之。**綱**三月。以鄭昭先知樞密

院事。曾從龍參知政事。**綱**夏四月。曾從龍罷。**綱**復以

安丙為四川宣撫使。**目**興元。見上。卒張福等作亂。四

川大震。張方魏了翁移書宰執。謂安丙不起。則賊未

即平。蜀未可定。雖賊亦曰。須安相公作宣撫使。事乃

趙方戒諸將

定耳。會詔丙為宣撫知興元府利州。見八四卷二九路安撫使民心始安。**綱**六月安丙討張福誅之。**綱**孟宗政扈再興合擊金人于棗陽大敗之追至鄧州而還。**綱**冬十二月趙方使扈再興許國孟宗政帥師分道伐金。方以金人屢敗必將同時並攻當先發以制之乃遣再興等帥師六萬分三道而進戒之曰毋深入毋攻城第潰會其保甲燬焚也其城皆空其貲糧而已。**綱**庚辰十三年金興定四年秋八月太子詢卒。諡曰景獻**綱**安丙遣兵會夏人伐金**目**丙遣去聲夏人書定議同舉伐

耶律楚材庚午元曆

金約以夏兵野戰我師攻城遂命利州統制王仕信帥師赴熙。見八十一卷三十一秦秦州屬陝西鞏昌府鞏即鞏昌府鳳翔今陝西鳳翔府委丁焞欲節制且傳檄吸招諭陝西五路官吏軍民。**綱**九月夏人圍金鞏州官軍會之不克而還。**綱**冬十一月蒙古耶律楚材進庚午元曆**目**楚材遼東丹王突欲見六一卷八世孫金尚書右丞履之子貞祐金宗年三年為中都見上一行省員外郎中都陷。見上一遂降於蒙古蒙古主鐵木真嘗訪遼宗室名楚材謂之曰遼金世讎吾為汝報之矣楚材對曰臣祖父以來嘗

灼羊胛以行吉凶

北面事之既為臣子。豈敢復懷二心。讎君父邪。蒙古主重其言。命處左右。備訪問。楚材通術數之學。尤邃歲於太玄。見十九卷九時從征西域。去年九月鐵木真伐西域諸國以金大明歷不應製。庚午元歷上之。蒙古主每征伐。必令楚材預卜吉凶。亦自灼羊胛。夾胛。背胛。以符之。然後行。雲間張氏曰。楚材八世祖遼之宗室也。後人不能復讎而降金。豈直二其心哉。忘君父之大讎者也。其既降於金矣。則楚材乃金之臣也。又不忠於金而降於蒙古。則是何無愧心。慙而忘君以事讎者也。何無愧心。慙德而以懷二心之說告蒙古哉。

綱辛巳十四年。金興定五年夏六月立沂王嗣子貴和為

理宗貴誠初名與莒

皇子更名竑。安帝以國本未立。命選太祖十世孫年十五歲以上者。教育宮中。如高宗擇普安王。見八卷故事。於是立貴和為皇子。以貴誠為秉義郎。貴誠初名與莒。燕懿王德昭。太祖長子之後。希璪。盧之子也。母全氏。家於紹興。今浙江紹興府山陰縣。初慶元人余天錫為史彌遠府童子師。性謹愿。彌遠器重之。彌遠在相位久。以帝未有儲嗣。而沂靖惠王近屬亦未有後。欲借沂王置後為名。陰擇宗室中可立者。以備皇子之選。會天錫告還鄉秋試。彌遠密語去之曰。今沂王無後。

綱目謹微 卷八十五 宋寧宗 二十九

宗子賢厚者幸具也俱以來天錫渡浙浙江在杭舟抵

越興府西門會天大雨過全保長家避雨保長知其

為丞相客具雞黍甚肅須臾有二子侍立天錫異而

問之保長曰此吾外孫趙與莒與芮也日者上筮

嘗言二兒後當極貴天錫因憶彌遠言及還臨安以

告之彌遠命名二子來保長大喜鬻田治衣冠集姻

黨送之且詫茶去聲其遇及見彌遠善相大奇之恐

事洩不便遽使復歸保長大慙逾年彌遠忽謂天錫

曰二子可復來乎天錫召之保長辭謝不遣彌遠乃

使天錫密諭保長曰一子長者最貴宜還撫於其父

家遂載至臨安及貴和立為皇子乃補與莒秉義郎

賜名貴誠年十七矣發貴和乃太祖十世之孫德昭

之此天下之至公也直書皇子定名分也特命選

於此然後史彌遠不可挾私以廢之矣此綱目謹微

意也微之綱目八月任希夷罷以宣繪同知樞密院事俞

應符簽書院事綱目湖制置大使趙方卒目方病革

戰也曰未死一日當立一日紀綱及卒人皆思之方

少從張栻見卷二學初知青陽縣屬江南告其守史

彌遠曰催科不擾是催科中撫字刑罰無差是刑罰

綱目謹微之意

中教化。人以為名言。方守襄漢。今湖廣襄陽漢陽二府。十年以戰為守。合官民兵為一體。通制總司為一家。許國之忠。應變之略。隱然有樽俎折衝之風。故金人擾邊。淮蜀大困。而京西一境獨全。能用名人。如陳暄。該游九功輩皆拔為大吏。扈再興。孟宗政。皆自土豪推誠擢任。致其死力。卒為名將。故能藩屏丙一方。使朝廷無北顧之憂。**綱**九月立宗室貴誠為沂王後。**目**貴誠凝重寡言。潔脩好學。每朝參待漏。他人或笑語貴誠。獨儼然。出入殿庭。矩度有常見者。斂容。彌遠益異之。至

是立為沂靖惠王後。沂王名柄。見上八。**綱**冬十一月四川宣

撫使安丙卒。詔以崔與之為四川制置使。盡護蜀軍。

目丙在四川以攻為守。成功甚著。朝廷賴之。及卒。詔

與之盡護西蜀之師。與之開誠布公。拊循將士。人人

悅服。軍政復立。**綱**十二月鄭昭先罷。

綱壬子十五年。金元光元年。春正月朔。受恭膺天命寶于

大慶殿。大赦。**目**初鎮江都統翟朝宗得璽於金師。獻

於朝。既而趙拱又得玉印。文與璽同而加大。朝廷喜

受之行慶賀禮。大赦。賈涉遺去聲書彌遠謂天意隱而

賈涉遺彌遠書

史彌遠納美人瞞竑動息

難知人事切而易見當思今日人事尚未有可答天
意彌遠不懌綱夏五月進封子竑為濟國公以貴誠
為邵州今湖廣寶慶府防禦使目竑好鼓琴史彌遠買美人
善鼓琴者納諸竑而厚撫其家使瞞諫竑動息美人
知書慧黠閉入聲狡也竑嬖之時楊皇后專國政彌遠用
事久宰執侍從臺諫藩閫皆所引薦莫敢誰何權勢
熏灼竑心不能平嘗書楊后及彌遠之事於几上曰
彌遠當決配八千里又嘗指宮壁輿地圖瓊今廣東瓊州府
崖今瓊州府曰吾他日得志置史彌遠於此又嘗呼彌

慧日閣屏人語

遠為新恩以他日非新州今廣東肇慶府新興縣則恩州今肇慶府
陽江縣也彌遠聞之大懼思以處竑而竑不知真德秀
時兼宮教諫竑曰皇子若能孝於慈母而敬大臣則
天命歸之矣否則深可慮也竑不聽一日彌遠為其
父泔飯返僧淨慈寺與國子學錄鄭清之登慧日閣
屏丙人語去聲曰皇子不堪負荷聞後沂邸者為沂王後者邸
見四八卷四甚賢今欲擇講官君其善訓導之事成彌遠
之坐即君坐也然言出於彌遠之口入於君之耳若
一語泄吾與君皆族矣清之曰不敢乃以清之兼魏

鄭清之斷
理宗

天眷理宗
之先兆

忠憲王府學教授清之曰教貴誠為文又購高宗御
 書俾習之清之謁彌遠即示以貴誠詩文翰墨譽平聲
 之不容口彌遠嘗問清之曰吾聞皇姪之賢已熟大
 要竟何如清之曰其人之賢更耕僕不能數上聲
僕禮儒行悉數之乃畱更僕未可終也言詳悉數然
之非久畱不可雖更代其僕亦未可得盡言之也
 一言以斷之曰不凡彌遠頷撼以應也點頭之再三策立
 之意益堅乃日媒孽見三十四卷三一竑之失言於帝覲記
 也帝廢竑立貴誠而帝不悟其意廣竑不能慎重而輕
也如此則他日得禍之慘豈非自招綱六月俞應符
也哉雖然此亦天眷理宗之先兆也

長星見西
方

卒綱秋八月長星見現西方回蒙古耶律楚材謂其
 主曰女真金本將易主矣綱九月以宣繪參知政事
 程卓同知樞密院事薛極整簽書院事綱冬十二月
 以李全為保寧節度使京東河北鎮撫副使回初全
 有戰功史彌遠欲加全官賈涉止之及加節鉞涉歎
 曰朝廷但知官爵可以得其心寧知驕則將至於不
 可勸邪綱蒙古鐵木真入西域屠蔑里城滅回回國
 大掠忻都國而還回蒙古主鐵木真入西域圍塔里寒寨
 拔之進薄博通也回回國其主委國而去蒙古主遂進

角端

耶律楚材
因事納忠

次於忻都國鐵門關侍衛見一獸鹿形馬尾綠色而獨角能為人言謂之曰汝君宜早回蒙古主怪之以問耶律楚材對曰此獸名角端解曉也。四夷語是惡殺之象。今大軍征西已四年。蓋上天惡殺遣之告陛下。願承天心宥此數國人命實無疆之福。蒙古遂大掠忻都國而還。
廣義其角端之獸考之經典實之子史雖無其實然則楚材以是而諫蒙古者亦

納忠也。
綱癸未十六年金元光二年春三月蒙古木華黎死於解

州今山西平陽府蒲州帥師還至解州屬平

撥里班曲
律
四怯薛

達魯花赤

陽府而卒。木華黎雄勇善謀。與博爾木博爾忽赤老温俱以忠勇事其主。號為撥里班曲律。猶華言四傑也。四人之子孫皆領宿衛。號四怯薛。出官則為輔相焉。
綱夏五月。蒙古初置達魯花赤。監治郡縣。
綱蒙古主以西域漸定。置達魯花赤於各城。監治之。
綱達魯花赤猶華言掌印官也。
綱六月。程卓卒。淮東制置使賈涉卒。
綱冬十二月。以許國為淮東制置使。
綱初淮西都統許國奉祠家居。欲傾賈涉而代之。數湖言李全必反。涉卒。會名國入對。國疏全姦謀益深。反狀已著。

非有豪傑不能消弭。蓋自鬻也。遂易國文階為淮東安撫制置使。兼知楚州。見上命下。聞者驚愕。淮東叅幕莫徐晞稷雅意開闔。及聞國用。乃注釋國疏以寄全。全不樂。綱金主珣卒。子守緒立。蒙古攻夏。夏主遵頊傳國於其子德旺。

綱甲申十七年。

金哀宗守緒正大元年

春三月。召崔與之為禮

部尚書。以鄭損為四川制置使。與之辭不拜。與之治蜀將士

輯睦府藏充實至是以疾歸廣州蜀人肖其像祠焉

綱秋閏八月。帝崩。史彌遠

矯詔立沂王子貴誠。更名昀。云尊皇后為皇太后。同

聽政。封皇子竑為濟王。出居湖州。八月丙戌。帝不豫。史彌遠遣鄭清之往沂王府告貴誠以將立之意。貴誠默不應。清之曰。丞相以清之從遊久。故使布腹心。今不答一語。則清之將何以答丞相。貴誠始拱手。徐言曰。紹興見上老母在。清之以告彌遠。益相與歎其不凡。壬辰。帝疾篤。彌遠稱詔以貴誠為皇子。改賜名昀。閏月丁酉。帝崩。彌遠遣皇后兄子谷石以廢立事白后。后不可。曰。皇子竑。先帝所立。豈敢擅變。谷等一夜七往返。后終不許。谷等乃拜泣曰。內外軍民皆

已歸心。苟不立之禍變必生。則楊氏無噍類。見三五卷三十
 矣。后默然良久曰。其人安在。彌遠即於禁中遣快行
 宣昉。令之曰。今所宣是沂靖惠王府皇子。非萬歲巷
 皇子。苟誤。則汝皆處斬。昉入宮見后。后拊其背曰。汝
 今為吾子矣。彌遠引昉至。柩前舉哀畢。然後召茲。茲
 至。則昉已即位矣。遂稱詔以茲為開府儀同三司。封
 濟陽郡王。尊楊皇后曰皇太后。垂簾同聽政。詔遵孝
 宗故事。宮中自服三年喪。尋進封茲為濟王。出居湖
 州。今浙江湖州府。綱九月。詔傅伯成為顯謨閣學士。楊簡為

寶謨閣學士。辭不至。目史彌遠欲收眾望。勸帝褒表
 老儒。遂詔傅伯成。楊簡及柴中行俱奉朝請。見十五卷二十三
 伯成簡辭不至。綱以真德秀直學士院。魏了翁為起
 居郎。目初以德秀兼侍讀。尋又以德秀直學士院。召
 魏了翁為起居郎。德秀之為起居舍人兼宮講也。言
 事不避權貴。且倦倦於復讎。知彌遠欲以爵祿縻天
 下士。慨然謂劉燭。藥曰。吾徒須急引去。使廟堂知世
 有不肯為從官者。遂力請外。至是自知潭州。今湖廣長沙府
 召還。入對。勸帝容受直言。名用賢臣。固結人心為本。

魏了翁策
室白鶴山
下

帝開納之了翁當開禧寧宗初以武學博士名試學

士院對策諫開邊事御史徐枬南劾了翁狂妄了翁

亦以親老出知嘉定府今四川嘉定州尋築室白鶴山在四川

州城下了翁邛州西下蒲江縣人以所聞於輔廣李燔者開門授徒

士爭負笈及從之由是蜀人盡知義理之學及為

潼川今四川潼川州轉運判官上疏乞與周敦頤張載程顥

程頤賜爵定諡示學者趨向朝廷從之綱追封希璠

為榮王以其子與芮襲封奉祀帝追封所生父希璠

國夫人而以綱冬以葛洪同簽書樞密院事終

尺木堂綱鑑易知錄卷八六

周之炯靜專

綱目續編定本

山陰吳乘權楚材同輯

周之燦星若

南宋紀

理宗皇帝

名昀太祖十世孫榮王希璠之子寧宗崩

史彌遠矯詔立之在位四十年壽六十二

歲而崩○帝四十年間在朝君子小人互為消

長治亂相半元滅夏滅金威震海內帝以中材

之主能保邦沒身幸也然

始終崇尚理學亦賢矣哉

綱乙酉理宗皇帝寶慶元年金正大春正月湖州潘

綱鑑易知錄

卷八六

宋理宗

十一

潘壬起兵
謀立濟王

壬起兵謀立濟王。竑討平之。史彌遠矯詔殺竑。追貶為巴陵郡公。○湖州見上卷三五人潘壬與其從兄甫弟丙。以史彌遠廢立不平。乃遣甫密告謀立濟王。意於李全。全欲坐致成敗。陽與之期。日遣兵應接。而實無意也。壬等信之。遂部分其眾以待。及期全兵不至。壬等懼事泄。乃以其黨雜販鹽盜千餘人。結束如全軍狀。揚言自山東來。夜入州城求濟王。王聞變。匿水竇中。壬尋得之。擁至州治。以黃袍加王身。王號泣不從。壬等強之。王不得已。乃與約曰。汝能勿傷太后宮。

家見七三卷十七乎。眾許諾。遂發軍資庫金帛會子見八二卷十。

犒軍。知州謝周卿率官屬入賀。壬等偽為李全榜。揭於門。數上聲。史彌遠廢立罪。且曰。今領精兵二十萬。水陸並進。人皆聳動。比明視之。則皆太湖漁人。及巡尉兵卒耳。王知事不成。乃遣王元春告於朝。而帥州兵討壬。壬變姓名走楚州。今江南淮安府甫丙皆死。元春至。行在。見三三卷六史彌遠懼甚。急召殿司將彭壬帥師赴之。至則事平矣。壬至楚。將渡淮。為小校明亮所獲。送臨安斬之。彌遠忌竑。詐言竑有疾。令余天錫名醫入湖。

魏洪相繼
言茲之寬

州視之。天錫至。諭旨逼竑。益意於州治。以疾薨。聞。尋
詔追貶為巴陵見四五郡公。改湖州為安吉州。起居

郎魏了翁。金部員外郎洪咨夔。相繼言竑之寬。及禮

部侍郎直學士院真德秀入對。因曰。陛下初膺大寶。

見四二不幸處人倫之變。有所未盡。流聞四方。所損

非淺雪。堀川亦名雪溪。在湖州府治南。合苕溪前溪。餘不溪。諸水。雪然有聲。故名。之變。

非濟邸。見上卷三本志前有避匿之迹。後聞捕討之

謀。情狀本末。灼然可考。願詔有司。討論雍熙太宗追

封秦邸。秦王舍罪。孤見六五故事。斟酌行之。雖濟

討論雍熙
故事

王未有子息。興滅繼絕。在陛下耳。帝曰。朝廷待濟王
亦至矣。德秀曰。若謂此事處置盡善。臣未敢以為然。
觀舜所以處象。則陛下不及舜明甚。人主但當以二
帝三王為師。帝曰。一時倉卒。猝耳。德秀曰。此已往之
咎。願陛下進德脩學。以掩前失。

新安胡氏曰。宋一代家法最正。諸后最賢。傳授
最明。自理宗之立。濟王之死。而後所謂家法之
正。后德之賢。傳授之明。遂掃地矣。然理宗之立。
實出楊后彌遠之計。非若隋之楊廣。必欲廢兄
而奪其位也。故猶相傳五十年
而後亡。噫。天之為德。其明矣乎。

綱二月。李全作亂。焚楚州。許國走死。以徐晞稷為制

理宗非楊
廣比

許國速李
全之亂

置使撫之。許國至鎮。李全妻楊氏郊迓。訝也。國辭
不見。楊氏慙而歸。國既視事。痛抑北軍。有與南軍競
者。無曲直偏坐之。犒賞十損八九。全自青州。見上卷
還楚州。見上卷上謁國。端坐納全拜。不為止。全退怒。
自計曰。彼所爭者拜耳。拜而得志。吾何愛焉。更折。折
節為禮。因會集閒出劄白事。國見其細故。判從之。全
即席再拜謝。自是動息必請。得請必拜。國大喜。語去
家人曰。吾折伏此虜矣。全往青州。遂遣劉慶福還楚
為亂。至是國晨起視事。忽露刃充庭。國厲聲曰。不得

無禮。矢已及頰。流血蔽面而走。亂兵悉害其家。大縱
火焚官寺。親兵數十人翼國登城樓。縋城走。明日。國
縊。意於途。事聞。史彌遠懼激他變。欲事含忍。以徐晞
稷嘗倅。翠。副也。楚守海得全歡心。乃授晞稷制使。命屈
意撫全。全聞國死。自青州還楚。佯責慶福不能彈壓。
致忠義之興。斬數人。上表待罪。朝廷不問。晞稷至楚。
全及門。下馬拜庭下。晞稷降等止之。賊眾乃悅。綱三
月。葬永茂陵。夏四月。太后以疾罷聽政。綱五月。李
全襲彭義斌于恩州。義斌敗之。許國既死。李全牒

文也。移彭義斌於山東曰許國謀反已伏誅矣爾軍

並聽我節制義斌大罵曰逆賊背國厚恩擅殺制使

我必報此讎乃斬齋牒人南向告天誓衆見者憤激

五月全自青州攻東平今山東兗州府東平州不克乃攻恩州

彭義斌致書趙善相

今山東東昌府恩縣義斌出兵與戰全敗走義斌致書沿江制

置使趙善湘曰不誅逆全恢復不成但能遣兵扼淮

進據漣漣水今淮安府安東縣海今淮安府海州以蹙之斷短其南路

此賊必擒賊平之後收復一京三府然後義斌戰河

北盱眙見八十八卷諸將襄陽今湖廣襄陽府騎士戰河南神州

中國曰可復也盱眙四總管亦各遣使致書乞助討

賊知揚州今江南揚州府趙范亦以為言史彌遠令諭范無

出位專兵各享安靖之福范復以書力論之彌遠不

聽綱六月加史彌遠太師封魏國公彌遠辭太師許之綱彭

義斌圍東平嚴實請和秋七月義斌徇行定真定今直隸

彭義斌死

隸真定府實以蒙古兵來襲義斌死之京東州縣盡陷綱

竄大理評事胡夢昱欲于象州屬廣西柳州府目夢昱上書

言濟王不當廢引晉太子申生漢戾太子及秦王廷

美見之事為證言甚切直史彌遠諷御史李知孝劾

之除名羈雞管而卒。綱贈張九成官爵。錄程頤後。目
 帝以九成見八一正色立朝。有中興明道之功。贈太
 師。追封崇國公。九成研思經學。多所訓解。然早與學
 佛者遊。故議論多偏。尋又詔求程頤。後得四世孫源
 以為藉籍。田令綱以梁成大為監察御史。罷直學士
 院。真德秀金部員外郎。洪咨夔。目時論濟王事者眾。
 史彌遠患之。成大以知縣秩滿待選。諂事彌遠。家幹
 者萬昕欣。昕一日言真德秀當逐。成大曰。某若入臺。
 必能辨此事。昕為達其語。遂擢御史。成大因與莫澤

三四
成大

李知孝共為彌遠鷹犬。凡忤彌遠意者。三人必相繼
 擊之。於是給事中王暨忌等。駁德秀所主濟王贈典。
 莫澤等繼劾之。遂命提舉玉隆宮。咨夔亦言濟王冤。
 成大等復交劾之。鐫箋削也。二秩由是名人賢士排斥
 殆盡。人目成大知孝與澤為三凶。且謂成大為成大。
 綱冬十一月。以薛極參知政事。葛洪簽書樞密院事。
 綱以李知孝為右正言。綱貶魏了翁官。居之靖州。罷
 真德秀祠祿。目胡夢昱貶時。魏了翁出關餞之。李知
 孝遂指了翁首倡異論。將擊之。彌遠猶畏公議。外示

優禮改權工部侍郎了翁力以疾辭乃出知常德府
屬湖越二日諫議大夫朱端常劾了翁欺世盜名朋

邪謗國德秀奏劄詆誣諂了翁落職靖州屬湖居住

德秀落煥章閣待制寵祠梁成大貽書所親曰真德

秀乃真小人魏了翁乃偽君子此舉大快公論識者

笑之了翁至靖湖湘見七八江浙江南之士不遠千

里負書從學乃著九經易書詩春秋禮記周要義百

卷訂定精密先儒所未有也德秀既歸浦城今福建

浦城脩讀書記見八三語門人曰此人君為治之門

梁成大貽書所親

九經要義

讀書記

如有用我者執此以往

綱丙戌二年金正大春正月贈陸九齡等官賜諡錄

張栻呂祖謙陸九淵後旨詔贈陸九齡直祕閣諡文

達沈煥直華文閣諡端憲錄張栻呂祖謙陸九淵子

孫官各有差雌九齡撫州金谿今江西撫州人幼穎

悟端重秦檜當國程氏學廢九齡獨尊其說舉進士

調興國教授嚴規矩勸綏引翼士類興起改全州教

授卒張栻嘗與講學期以任道之重呂祖謙嘗稱之

曰所志者大所據者實九淵九齡弟生而穎異與其

兄弟自相師友

象山先生

利欲意見之人
六經皆我註脚

兄自相師友。和而不同。其教人不用學規。有小過言中其情。或至流汗。有懷於中而不能自曉者。為之條析其故。悉如其心。亦有相去千里。聞其大槩而得其為人。後以將作監丞奉祠還鄉。學者稱為象山先生。九淵嘗謂學者曰。汝耳自聰。目自明。事父自能孝。事兄自能弟。本無欠闕。不必他求。在乎自立而已。又曰。此道與溺於利欲之人言。猶易與溺於意見之人言。却難。或勸其著書。九淵曰。學苟知道。六經皆我註脚。及知荆門軍。今湖廣安陸府荆門州政行令脩民俗。為去聲變卒。

鵝湖辨論多不合。白鹿洞講君子小人。喻義利一章。無極而太極之辨。梭山先生

諡曰文安。九淵嘗與朱熹會於鵝湖。山名在江西廣信府沿山縣上有湖。昔龔氏畜鵝於此。故名。朱陸二子講學處。號鵝湖書院。在鵝湖山下。辨論多不合。及熹與至白鹿洞。見八三卷十九九淵為講君子小人。喻義利一章。熹以為切中。學者隱微深痼之病。至於無極而太極之辨。則貽書往來論辨不置焉。其次兄九韶亦學問淵粹。人稱為梭山先生。九淵門人。其最著者曰袁燮。楊簡。沈煥。舒璘。燮端粹專靜。為國子祭酒。延見諸生。必迪以反躬切己。忠信篤實。是為道本。聞者竦然有得。每言人心與天地一本。精思以得之。兢業以

守之則與天地相似。簡篤學力行。為政設施皆可為後世法。所著禮書行於時。煥定海今浙江寧波人。乾

道孝宗年號中為太學錄。以所躬行者淑諸人。同僚忘其

立異。或勸其姑營職道。未可行也。煥曰。道與職有二

乎。適私試發策。引孟子立乎人之本朝。而道不行。恥

也。言路以為訕已。請黜之。遂為高郵由軍州。今江南揚

州教授。終於舒州今江南安慶府。通判煥。人品高明。不苟自

怨。常曰。晝觀諸妻子。夜卜諸夢寐。兩者無愧。始可以

言學。璘刻苦磨厲。改過遷善。從張栻及九齡遊。及聞

兩者無愧

詩禮講解

朱熹呂祖謙講學於婺務。婺州。今浙江金華府。徒步往謁之。乾

道中為徽州今江南徽州府教授。作詩禮講解。仕終宜州今江

西袁州府分宜縣通判。發理宗崇信姦邪。黜正士。無可言

特揭而書之。所綱二月建昭勳崇德閣趙普曹彬薛

以不沒其善也。潘美李沆王旦李繼隆王曾呂夷簡曹瑋韓琦曾公

亮富弼司馬光韓忠彥呂頤浩趙鼎韓世忠張浚陳

康伯史浩葛邲後益以趙汝綱三月蒙古圍李全于

青州。全糧援路絕。與兄福謀。福曰。二人俱死。無益

也。汝身係南北輕重。我當死守孤城。汝聞諫道南歸

提兵赴援。可尋生路。全曰。數十萬勍敵。未易支也。全

建昭勳崇德閣

朝出城夕陷。不如兄歸。於是全畱青。福還楚。見上綱

秋七月。夏主德旺以憂卒。弟子賢上觀聲立。綱八月。衛

涇卒。綱徐晞稷罷。以劉瑋為淮東制置使。冬十一

月。盱眙見上忠義夏全作亂。逐劉瑋。以衆降金。

綱丁亥。三年。金正大年春正月。以姚翀充為淮東制置

使。綱贈朱熹太師。信國公。曰熹先諡曰文。至是詔曰。

朕觀朱熹集註大學論語孟子中庸。發揮聖賢蘊奧。

有補治道。朕勵治講學。緬懷典刑。可特贈熹太師。追

封信信州今江西廣信府國公。踰月。熹子工部侍郎在入對言。

贈朱熹詔

夏七

人主學問之要。帝曰。先卿中庸序言之甚詳。朕讀之

不釋手。恨不與之同時也。紹定理宗年號中改封徽即徽州府

國公。綱夏五月。李全以青州降蒙古。六月。楚州忠

義李福作亂。逐姚狔。詔以統制楊紹雲兼淮東制置

使。改楚州為淮安軍。綱蒙古鐵木真滅夏。以夏主覲

歸。目時諸將爭掠子女財帛。耶律楚材獨取書數部。

大黃兩駝而已。既而軍士病疫。唯得大黃可愈。楚材

用之。所活萬人。綱秋七月。張林等歸淮安。討李福。斬

之。綱八月。蒙古以李全行省事于山東淮南。全自青

金史卷之八

卷之八

六

州復入淮安殺張林。綱冬十二月蒙古鐵木真死于六盤山。在陝西平涼府隆德縣。少子拖雷監國。自蒙古主在位

二十二年卒年六十六。廟號太祖。凡四子。長曰朮赤

性卞急。躁疾也。而善戰。早死。二曰察合互。戴上也。性慎密。

為眾所畏。三曰窩後闊台。四曰拖雷。鐵木真死。拖雷

監國。綱蒙古入西和州。知州事陳寅死之。自蒙古兵

薄博逼也。西和府西和縣。城寅率民兵晝夜苦戰。援

兵不至。城遂陷。寅謂妻杜氏曰。若也速自為計。杜厲

聲曰。安有生同君祿。死不共王事者。即飲藥自殺。二

陳寅死節

陳寅闔門死節

陳寅實家

子及婦俱死。毋傍寅斂而焚之。乃自伏劍死。賓客同死者二十八人。

綱戊子。紹定元年。金正大五年。春三月。金將完顏陳和尚

大敗蒙古兵于大昌原。自蒙古兵入大昌原。金將完

顏陳和尚以四百騎大敗蒙古八千之眾。士氣皆倍。

蓋自有蒙古之難。二十年間始有此捷。奏功第一名。

震國中。綱冬十二月。以薛極知樞密院事。袁紹同知

院事。鄭清之簽書院事。葛洪參知政事。

綱己丑。二年。金正大六年。○蒙古太。秋八月。蒙古窩

宗奇渥溫窩闊台元年。

綱鑑易知錄

卷八

宋理宗

十一

關台立。

綱庚寅三年。金正七年。春三月復起趙范趙葵節制鎮

江。今江南屬江。鎮江府。滁州。屬江。軍馬。范葵皆方之子時丁母憂求解官不許乃卒哭俱復

事。綱夏五月以李全為彰化。今平涼府涇州。保康。今湖廣鄖

縣。節度使京東鎮撫使全不受命遂罷知揚州翟朝

宗。目全自還楚即厚募人為兵不限南北全知東南

利舟楫謀習水戰米商至悉併舟糴之留其舵工以

一教十又遣人泛江湖市桐油黏筏厚募南匠大冶

舩艦船自淮口及海相望時時試舟於射陽湖。在淮安

山陽鹽城揚州府實應三縣界及海洋復以糧少為辭遣海舟自蘇

州。今江南蘇州府。洋入平江。即蘇州府。嘉興。今浙江嘉興府。告糴實欲習

海道以覘。諂平去二聲。窺視也。畿甸且欲銷朝廷兵備乃遣

軍士穆椿潛入京師皇城縱火焚御前軍器庫於是

先朝兵甲盡喪及全糴麥舟過鹽城知揚州翟朝宗

嗾數尉兵奪之全怒以捕盜為名水陸數萬徑擣鹽

城戍。怨。將陳益樓疆知縣陳遇皆遁全入城據之留

鄭祥董友守鹽城而自提兵還楚州以狀白於朝曰

遣兵捕盜過鹽城縣令自棄城遁去慮軍民驚擾不

如待小兒
啼則與果

免入城安衆。朝廷乃授全節鉞。見五四卷十一令釋兵命制。置司幹官往諭之。全曰：「朝廷待我如小兒，啼則與果，不受制命。」朝廷為去聲罷朝宗，命通判趙璈夫攝州事。趙范、趙葵深以全必反，為慮累疏力言之。史彌遠不納。綱冬十月，以趙善湘為江淮制置使，目李全反謀益急，執政多不以為意。獨鄭清之深憂之，力勸帝討全。帝乃以趙善湘制置江淮，許便宜從事。然猶有內圖進討，外用調停之說。惟趙范、趙葵兄弟力請進兵討之。綱十二月，李全寇揚州。趙范、趙葵會師擊敗之。

鵲巢燈山之祥

綱以鄭清之參知政事，喬行簡同簽書樞密院事。綱立皇后謝氏。目后天台人。丞相深甫之孫也。生而鰲，離色。黑翳。意蔽也。一目。父渠伯早世，產業破壞，后躬親汲飪。帝即位，議擇中宮。楊太后以深甫有援已功，命選謝氏女。謝氏獨后在室，兄弟欲納入宮。諸父擗舉伯不可，曰：「即奉詔納女，當厚奉資裝。異時不過一老宮婢事奚益。」會元夕，縣有鵲來巢燈山。衆以為后妃之祥。擗伯不能止，乃共送后就道。后旋病疹，軫良已。膚蛻退瑩白如玉。醫又藥去翳，遂與賈

趙范兄弟
收復淮安

涉女同入宮。賈女有殊色。帝欲立之。太后曰。謝女端重。有福。宜正中宮。左右亦相竊語曰。不立真皇后。乃立假皇后邪。帝不能奪。賈妃專寵後宮。后處之裕如。不以介懷。太后益賢之。帝禮遇日加。
綱辛卯四年。金正八年。春正月。趙范趙葵大敗李全于揚州城下。全走死新塘。在江南徐州豐縣。綱夏五月。趙范趙葵等收復淮安。全將國安用從全妻楊氏走山東降於蒙古。蒙古以為都元帥。行省山東。綱秋八月。蒙古主以耶律楚材為中書令。綱九月。太廟火。冬十二月。新作太廟。

忠順軍

東陽平堰

綱壬辰五年。金天興元年。春正月。以孟珙為京西兵馬鈐轄。屯棗陽。目初。珙父宗政知棗陽。見五卷。招唐鄧。見上卷。蔡汝寧府。州壯士三萬餘人。號忠順軍。命江海統之。眾不服。制置司以珙代海。珙分其軍為三。眾皆帖然。珙又剏平堰。燕壑。壅水為堰。於棗陽。自城至軍西十八里。由八壘河經漸水側。水跨九阜。建通天槽。入十有三丈。溉既也。田十萬頃。百畝為頃。立十莊。三轄使軍民分屯。邊儲豐足。珙又命忠順軍家自畜馬。官給芻粟。馬益蕃息。至是以母憂起復。駐劄棗陽。綱以史嵩

之為京湖制置使知襄陽府綱蒙古窩闊台自白坡渡河

次鄭州屬河南開封府使其將速不臺圍金汴京今河南開封府綱

金完顏合達移刺蒲阿引軍援汴及蒙古拖雷戰於

三峰大敗忠孝軍總領完顏陳和尚死之金遣曹

王訛可為質至于蒙古請和夏四月蒙古退軍河洛

綱秋七月以陳貴誼同簽書樞密院事蒙古國安

用降金金封為充王行東京尚書省事賜姓名完顏

用安綱閏九月見五卷出于角綱冬十月金盱眙

守將以城來歸詔改為昭信軍綱蒙古拖雷死

金完顏陳和尚死節

目拖雷見上生六子長蒙哥次朮兒哥三忽觀都四

忽必烈五旭烈六阿里不哥綱十二月皇太后楊氏

崩諡曰恭聖仁烈外朝以綱蒙古遣使來議伐金許

之目蒙古再遣王檝楫來京湖議夾攻金史嵩之以

聞朝廷皆以為可遂復讎之舉獨趙范不喜曰宣和

徽宗海上之盟約金夾厥初甚堅迄以取禍不可不

鑒帝不從命嵩之報使許之嵩之乃遣鄒伸之往報

蒙古許俟成功以河南地來歸綱金主守緒出奔河

北蒙古速不臺復圍汴

趙范乞鑒宣和之禍

綱癸巳六年金天興二年春正月金主守緒濟河使完顏

白撒攻衛州今河南衛輝府與蒙古兵戰大敗金主走歸德

今河南歸德府白撒伏誅綱金汴京西面元帥崔立作亂以

梁王從恪監國而幽之自為太師尚書令都元帥以

城降蒙古綱夏四月金崔立執其主之后妃及梁王

從恪等送蒙古軍蒙古速不臺殺從恪等以后妃北

還在道艱楚萬狀尤甚於徽欽之時綱六月蒙古取洛陽金中京留

守強伸死之金主守緒走蔡州見綱蒙古以孔元

措襲封衍聖公從耶律楚材之請也綱秋八月史嵩之以兵會

節 金強伸死

蒙古將塔察兒伐金會攻蔡州也綱九月金人來乞糧不

許目金使完顏阿虎帶來乞糧將行金主諭之曰宋

人負朕深矣朕自即位以來戒飭邊將無犯南界邊

臣有請征討者未嘗不切責之今乘我疲弊來攻彼

為謀亦淺矣蒙古滅國四十以及西夏夏亡及於我

我亡必及於宋唇亡齒寒自然之理若與我連和所

以為我者亦為彼也卿其以此意曉之阿虎帶至朝

廷不許綱蒙古塔察兒圍金蔡州冬十月史嵩之使

孟珙等帥師會之金主微服率兵夜出東城謀遁去及柵遇敵兵戰而還殺廐馬以犒

我亡必及於宋為我亦為彼

將士然其勢不可為已。綱封史彌遠為會稽郡王奉朝請。彌遠尋卒。目彌遠以疾求解政。詔彌遠有定策大功。勤勞王室。宜加優禮。於是封會稽郡王。奉朝請。見十五越八日而卒。彌遠為相。凡二十六年。用事專且久。權傾內外。初欲反。韓侂胄所為。故收召賢才。老成布於朝廷。及濟王不得其死。論者紛起。遂專任儉。王小人以居臺諫。一時君子貶斥殆盡。帝德其立已。惟言是從。故恩寵終其身。綱十一月。刑部侍郎梁成大等有罪。免。目時成大權刑部侍郎。有旨黜之。既而臺臣

所不堪者他日與成大同傳

劾刑部尚書兼給事中莫澤貪淫。忤害。工部尚書李知孝。侵欲亡厭。皆罷之。蓋三人皆黨附史彌遠。排斥諸賢。而成大尤心術峻險。巖希○危險也。凡可賊害忠良者。率攘臂為之。雖知孝亦鄙其為人。至目所不堪者。他日與成大同傳耳。卒皆貶死。天下快之。綱詔改元。目史彌遠卒。帝始親政。勵精求治。鄭清之亦慨然以天下為己任。收召賢才。擢之朝廷。下詔改明年紀元。端平。綱曾從龍。宣繪免。綱以洪咨夔王遂為監察御史。目帝親政五日。即召咨夔為禮部員外郎。入對帝。

問以今日急務。咨夔言：進君子，退小人，開誠心，布公道。因乞召用崔與之、真德秀、魏了翁。帝納之。翌日，與王遂並拜御史。咨夔謂遂曰：朝無臺諫久矣，要當極本原而先論之。因上疏乞權歸人主，政出中書，以致平治之道。且劾資政殿學士袁韶、仇視、善類。詔附史彌遠，詔奪韶祠祿。又論趙善湘、鄭損、陳賅，該納賂史彌遠，怙勢肆姦，失江淮荆襄蜀漢人心，罪狀顯著。詔善湘有討李全功，特寢免。賅損皆落職。綱十二月，薛極免。目極與胡榘、矩、聶子述、趙汝述附史彌遠最親。

四本

用事時人謂之四本

綱甲午端平元年金天興二年春正月金主守緒傳

位于其宗室承麟孟珙以蒙古兵入蔡州守緒及其

尚書右丞完顏忽斜虎死之承麟為亂兵所殺金亡

綱以陳蔡西北地分屬蒙古蒙古以劉福為河南道

總管史嵩之使孟珙等分屯京西綱三月以賈貴妃

弟似道為籍田令目似道涉之子少落魄為遊博

不事操行以蔭補嘉興今浙江嘉興府司倉帝以貴妃故累

擢籍田令恃寵不檢日縱遊諸妓家至夜即燕遊湖

金七

上不返。帝嘗夜憑高望西湖在杭州府城西中燈火異常時

語去左右曰此必似道也明日詢之果然使京尹史

巖之戒之巖之對曰似道雖有少年氣質然其才可

大用也發貴妃之弟至微也藉田之令廣觀分注所

志補始
理宗甘心
用小人

宗知似道之無賴有素矣知而用之則是理宗甘心於用小人也南宋之亡豈無自哉綱夏四

月獻金俘于太廟論功行賞有差百史嵩之遣使以

孟珙所獲金俘囚張天綱完顏海罕等獻於臨安四

月丙戌備禮告於太廟加孟珙帶御器械江海以下

論功行賞有差知臨安府薛瓊問天綱曰有何面目

到此天綱曰國之興亡何代無之我金之亡比汝二

帝何如瓊叱之明日奏其語帝名天綱問曰汝真不

畏死邪天綱對曰大丈夫患死之不中節耳何畏之

有因祈死不已帝不聽初有司令天綱具狀必欲書

金主為虜主天綱曰殺即殺焉用狀為有司不能屈

聽其所供天綱但書故主而已聞者憐之後莫知其

所終○監察御史王遂言史嵩之本不知兵矜功自

侈謀身詭秘欺君誤國留之襄陽一日則有一日之

憂不報洪咨夔亦言殘金雖滅鄰國方強亦嚴守備

張天綱忠
義

趙范趙葵
請復三京

猶恐不逮。豈可動色相賀。渙然解體。以重方來之憂。
帝嘉納之。綱五月。賜黃榦李燔李道傳等謚錄其子。
目詔榦燔道傳及陳宓密樓昉徐瑄胡夢昱等。阨於
權奸。而各行其志。沒齒無怨。其賜謚復官錄用其子。
綱六月。以曾從龍參知政事。喬行簡知樞密院事。鄭
性之簽書院事。詔復故濟王竑官爵。綱趙范趙葵
請復三京。詔知廬州全子才會兵趨汴。金故將李伯
淵等誅崔立以降。目范葵欲乘時撫定中原。建守河
據關收復三京。東京汴州。今河南開封府。西京洛陽。今河南河南府。南京應天。今河南歸

丘岳諫趙
范

喬行簡諫
興兵疏

德之議。朝臣多以爲未可。獨鄭清之力主其說。乃命
趙范移司黃州。今湖廣黃州府刻日進兵。范參議官丘岳曰。
方興之敵。新盟而退。氣盛鋒銳。寧肯捐所得。以與
人邪。我師若往。彼必突至。非惟進退失據。開釁致兵。
必自此始。且千里長驅。以爭空城。得之當勤餽餉。後
必悔之。范不聽。史嵩之亦言荆襄方爾饑饉。未可興
師。杜杲稿復陳守境之利。出師之害。喬行簡時在告
也。休假。上疏曰。八陵有可朝之路。中原有可復之機。以
大有爲之資。當大有爲之會。則事之有成。固可坐而

策也。臣不憂師出之無功，而憂事力之不可繼。有功而至於不可繼，則其憂始深矣。夫規恢進取，必須選將練兵，豐財足食。而今將乏卒寡，財匱食竭，臣恐北方未可圖，而南方已先騷動矣。願堅持聖意，定為國論，以絕紛紛之說。皆不聽。而詔知廬州今江南廬州府全子才合淮西兵萬人赴汴。時汴京都尉李伯淵、李琦、李賤、奴等為崔立見上所侮，謀殺之。及聞子才軍至，伯淵等以書約降，而陽與立謀備禦之策。六月，伯淵燒封丘門，約立視公倉，碎中就馬上抱立刺殺之。遂以

城降

靜軒周氏曰：請復三京，何以無貶詞？三京，宋之故上也。善故將何予義也。崔立背君降虜，其罪已甚。故直書誅以正其罪。雖然，三京淪於夷狄，固為臣子之恥。恢復故疆，乃其分也。然必度其事勢，吾之兵甲精銳，倉廩盈歟，人才足歟，府庫充歟，然後舉事，猶慮弗及。況蒙古以方張不制之虜，新與訂盟，豈宜遽叛？則是中國先失信於夷狄，而曲在宋矣。又安能不致蒙古之雲擾哉？他日下詔罪己，方悔前愆，嗚呼晚矣。故直書以著其自取之失也。

恢復必度
事勢
新盟豈宜
遽叛

綱趙葵帥師會全子才于汴。秋七月，葵將楊誼等入洛陽。全子才次于汴。趙葵自滁州見上以淮西兵五萬趨汴以會之。葵謂子才曰：我輩始謀據關守河

今已抵汴半月。不急攻洛陽潼關。見四一何待邪。子才以糧餉未集對。蔡督促益急。乃檄吸鈐轄范用吉等提兵萬三千。命淮西制置司機宜文字徐敏子為監軍。先命西上。又命楊誼以廬州強弩軍萬五千繼之。各給五日糧。七月。徐敏子啓行。遣軍正將張迪以二百人趨洛陽。迪至城下。城中寂然無應者。至晚。有民庶三百餘家登城投降。迪與敏子遂帥衆入城。蒙古聞之。復引兵南下。綱八月。朱揚祖還自河南。曰。先是遣太常簿朱揚祖詣河南省謁入陵。至是還。揚祖

以入陵圖上進。帝問諸陵相去幾何。及陵前瀾水新復。揚祖悉以對。帝忍涕太息久之。綱蒙古復引兵至洛陽城下。楊誼軍潰。會趙葵子才遂棄汴而歸。徐敏子入洛之明日。軍食已竭。乃采蒿和去麪作餅而食之。楊誼至洛東三十里。方散坐蓐食。見二二而蒙古伏兵突起深蒿中。楊誼倉卒無備。師遂大潰。誼僅以身免。八月朔旦。蒙古兵至洛陽城立寨。敏子與戰。勝負相當。士卒乏糧。因殺馬而食。敏子等不能留。乃班師。趙葵全子才在汴。亦以史嵩之不致餽糧

用不繼。所復州郡，率皆空城，無兵食，可因。遂皆引師南還。趙范以入洛之師敗績，上表劾蔡子才，輕遣偏師。趙楷、劉子澄參贊失計，師退無律，致後陣覆敗。詔蔡子才削一秩，餘貶秩有差。鄭清之力辭解政，不許。喬行簡上言：三京撓敗之餘，事與前異，但當益脩戰守之備。帝嘉納之。綱：京湖制置使史嵩之免。九月，以趙范代之。綱：名真德秀為翰林學士，魏了翁直學士院。慶德秀了翁大儒也。綱目特書曰：「以著理宗用賢之美也。」帝因民望，召還二人。德秀入對，帝迎謂曰：卿去國十年，每切思賢。

真德秀上大學衍義

真德秀進講大學衍義

德秀以大學衍義上進。因言於帝曰：天之所助者，順人之所助者，信。二句易繫辭。天厭夷德久矣。陛下儻能敬德以迓續休命，中原終為吾有。若徒以力求之，而不反其本，天意難測。臣實憂之。了翁入對，言事剴切，反覆利害之端，至漏下四十刻，乃退。帝皆嘉納之。綱：冬十月，陳貴誼卒。綱：詔真德秀進講大學衍義。靜軒周氏曰：大學衍義無非發明格致誠正之功，脩齊治平之業，誠有國者之所當講也。理宗於萬幾之暇，特詔德秀進講，是編自非留心於聖學者，曷克以臻此哉！其與玩物喪志者異矣。綱：十二月，蒙古使王檝來。曰：蒙古使王檝來，言曰：何

為而敗盟也。自是河淮之間無寧日矣。綱安南入貢。

綱乙未二年春正月以程芾費為蒙古通好使。綱詔

孟珙屯黃州。珙留襄陽招中原精銳之士萬五千

人分屯漢巢北。漢湖名在江南。樊城見上。新野今河南

陽府新野縣。唐鄧見上。十四。以備蒙古名鎮北軍。詔以珙為

襄陽都統制入對授主管侍衛馬軍司公事時暫黃

州見上。駐劄朝辭帝問恢復珙對曰願陛下寬民力

蓄人材以俟機會帝問和議珙對曰臣介冑之士見

十二卷當言戰不當言和賜賚甚厚珙至黃增陴城上

鎮北軍

女浚隍城下池也蒐搜訪軍實邊民來歸者日以千數為

屋三萬間以居之厚加賑貸又慮軍民雜處因高阜

為齊安鎮安二砦以居諸軍綱三月以真德秀參知

政事陳卓同簽書樞密院事夏五月德秀卒綱德秀

拜參知政事時已得疾遂三上表乞祠帝不得已授

資政殿學士提舉萬壽宮逾旬而卒贈銀青光祿大

夫諡文忠德秀立朝不滿十年奏疏將數十萬言皆

切當世要務直聲震朝廷四方文士誦其文想見風

采及宦遊所至惠政深洽不愧其言由是中外交頌

獨慨然以斯文自任

史彌遠忌之輒擯不用而聲聞愈彰及歸朝將大用則既衰矣然自韓侂胄立僞學之名以錮善類凡近世大儒之書皆顯禁絕之德秀晚出獨慨然以斯文自任講習而服行之黨禁既開正學遂明於後世德秀之力為多綱六月葛洪免名崔與之參知政事不至目與之自成都乞歸廣州見上卷三四每有除命皆力辭不起及拜廣東安撫會摧鋒軍士作亂與之肩輿登城叛兵望之俯伏聽命而散因即家治事帝注想彌切名參大政與之力辭帝乃遣使趣促之且訪以

蒙古分道入寇

政事之當行罷者人才之當用舍者與之上疏曰天生人才自足以供一代之用惟辨其君子小人而已忠實而有才者上也才不高而忠實存者次也用人之道無逾於此帝嘉納之名命益力與之控辭至十三疏不許綱蒙古主使其子闊端等分道入寇目蒙古主命子闊端將塔海等侵蜀忒木糾及張柔等侵漢口温不花及察罕等侵江淮又命姪蒙哥征西域唐古魯火赤伐高麗綱冬十二月以魏了翁同簽書樞密院事督視江淮京湖軍馬目了翁在朝凡六

鶴山書院

月前後二十餘疏皆當世急務帝將引以共政而忌者相與合謀排擯之且言了翁知兵體乃命出視師賜便宜詔書如張浚故事陞辭御書唐巖武見五二詩及鶴山見上卷書院四大字賜之了翁開幕府見四一卷於江州今江西九江府以吳潛為參謀官趙善瀚馬光祖為參議官綱曾從龍卒以余嶸橫同簽書樞密院事綱蒙古闊端入河免州今陝西漢中府沔縣殺知州事高稼進圍青野原利州見上卷統制曹友聞將兵救却之綱丙申三年春正月蒙古將忒木斛寇江陵今湖廣荊州府

江陵縣綱統制李復明死之綱二月召魏了翁還簽書

樞密院事固辭不拜綱廷臣多忌了翁者故謀假出督以外之甫二旬復以建督為非名之還而帝不悟於是了翁固辭求去綱以陳韓委為沿江制置使史嵩之為淮西制置使韓兼知建康府綱三月襄陽將王旻等作亂以城降蒙古綱趙范在襄陽以北軍將王旻李伯淵樊文彬黃國弼等為腹心朝夕酣狎了無上下之序民訟邊防一切砌廢弛既而南北軍交爭范失於撫馭於是旻伯淵焚襄陽城郭倉庫相繼

降於蒙古。詔削趙范三官，仍舊職任。廣鳴呼開邊者，義趙范也。養亂者亦趙范也。亡宋禍蒙趙實揭之。是則雖殺百全，其何以贖莫大之罪。綱夏四月，魏了翁罷。了翁乞歸田里，不允。以資政殿學士知潭州。

李韶訟魏了翁

見上時殿中侍御史李韶訟曰：了翁刻志問學，幾四十年，忠言讜論，載在國史。比者樞庭之詔，未幾改鎮。改鎮未久，有旨予祠，不知國家人才燁然有稱，如了翁者，幾人願亟召還處以台輔，不報。綱下詔罪已。目時師屢為蒙古所敗，襄漢淮蜀日事兵爭，帝悔前事，命學士吳泳草詔罪已。泳以監察御史王萬忠佐

鄂已詔略

有大志，精於邊防，以詔意訪之。萬曰：兵固失矣，言之甚恐，亦不可。今邊民生意如髮，宜以振厲奮發，興感人心，因為條具沿邊事宜。泳從其言，草詔上進。其略有曰：數年之間，多難已甚，屬祝讎金之寢滅，而蒙古之與鄰，逮合謀成，破蔡之功，恐假道有及虞之勢，心之憂矣。臍可嗟乎。噓臍見四卷十七又曰：兵民之死戰鬪，戶口之困流離，室廬靡存，骸骨相望，是皆朕明不能燭，德有未孚。上無以格天心，下無以定民志。今方施令發政，以為綏輯之圖，補卒蒐乘，以嚴守禦之

備。想瘡痍之溢目。如疾病之在身。**綱**五月。以趙葵為

淮東制置使。葵兼知揚州。墾田治兵。邊備以飭。**綱**秋七月。陳卓罷。以

鄭性之參知政事。李鳴復簽書樞密院事。**綱**八月。趙

范有罪。免。論失襄陽之罪也。**綱**蒙古陷棗陽軍德安府。**目**初

蒙古破許州。屬河南。開封府。獲金軍資庫使姚樞。楊惟中見

之。以兄事樞。時北庭無漢人士大夫。太祖真見樞

至。甚喜。特加重焉。及闕端南侵。俾樞從。至是破棗陽。

見上卷忒木爾欲陀鐵士人。樞力與辨。得脫死者數

十人。繼拔德安。今湖廣德安府。得趙復。復以儒學見重於世。

江漢先生

其徒稱為江漢先生。既被獲。不欲北行。力求死所。樞

止。與其宿警說百端。曰。徒死無益。隨吾而北。可保無

他也。至燕。燕京今直隸順天府。名益大著。學徒百人。由是北方

始知學經。而樞亦初得觀程朱性理之書。廣姚樞金

趙復。民也。復尚力求死。所樞乃一意從之。則二人之優劣。蓋可知矣。**綱**九月。有事于明

堂。大雨震電。鄭清之喬行簡免。召崔與之為右丞。

相兼樞密使。復辭不至。**綱**曹友聞與蒙古戰于陽平

關。在陝西漢中府寧羌州。敗績。死之。蒙古闕端遂入成都。今四川

都。**綱**冬。十月。蒙古陷文州。知州專劉銳等死之。**目**闕

劉銳等死

程朱性理之書

端兵離成都入文州見六一卷九知州劉銳通判趙汝鼎

向乘城固守晝夜搏戰踰月援兵不至銳度不免集

其家人盡飲去聲以藥皆死家素有禮法幼子纔六歲

飲藥時猶下拜受之左右感動城破銳及其二子自

刎死汝鼎被執戀上聲切肉塊也殺之軍民同死者數萬

綱封陳日暉景為安南王綱十一月以喬行簡為左

丞相兼樞密使蒙古兵入淮西詔史嵩之趙葵陳

韓分道拒之孟珙引兵敗蒙古忒木斛于江陵綱

蒙古將察罕寇真州知州事丘岳敗之綱復成都終

幼子下拜
受藥

早稲田大学図書館

011688996653